

dimidio fere angustior, ibidem utrimque subrotundatus, mox ante medium levissime subconstrictus, anterieus callis 2 subconfluentibus, per sulcum separatis, instructus.

7. *C. Amyoti* STÅL.

Elongatus, parallelus, fusco-testaceus, subopacus, subsericeus, pedibus posticis dilutioribus, subtus cum capite, antennis pedibusque anterioribus flavo-testaceis; abdomine basi constricto. ♀. Long. 9, Lat. 2 Millim. — (Mus. Holm.).

Antennæ corpore multo longiores, graciles, articulo basali thoraci æquilongo, 2 illo plus duplo, 3 eodem duplo fere longioribus, apicali basali nonnihil brevior. Thorax subtilissime subtransversim rugulosus, latitudini posticæ subæquilongus, postice quam antice vix duplo latior, ante medium callis 2 anterieus subconfluentibus, posteriorius separatis instructus. Scutellum convexiusculum. Membrana fuscescens.

8. *C. petiolatus* STÅL.

Elongatus, parallelus, nigro-fuscus, vel valde obscure fusco-testaceus, opacus; capitis marginibus circa oculos interdum, vitta posteriorius furcata thoracis, antennis pedibusque testaceis; hemelytris ante medium dilutius, pone medium obscurius fuscis vel fusco-testaceis, linea transversa media corii, marginibusque basali et externo appendicis sordide testaceo-flavis; membrana fuscescens; abdomine basi constricto, fere petiolato. ♂. ♀. Long. 8½, Lat. 2 Millim. — (Mus. Holm. et STÅL.).

var. *b.* Pedibus obscurius fusco-testaceis.

Statura fere præcedentis. Antennæ corpore cum hemelytris vix vel parum longiores, articulo basali thorace dimidio fere brevior, 2 illo ter longiore, 3 basali duplo longiore, 4 eodem nonnihil brevior.

Capsus FABR.

(*Leptomerocoris* et *Eurymerocoris* KIRSCHB.).

1. *C. cuneatus* STÅL.

Oblongus, nigro-fuscus, subnitidus, subsericeus, capitis basi, articulo basali antennarum, ventris disco pedibusque pallide flavo-testaceis, femoribus posticis apicem versus (apice ipso excepto) punctisque tibiæ ad ortum spinularum rararum nigro-fuscis; femoribus anterioribus apicem versus parce fusco-irroratis; appendice sordide albida. ♂. ♀. Long. 3½, Lat. vix 1½ Millim. — (Mus. Holm. et STÅL.).

Caput latitudine intraoculari nonnihil longius. Antennæ fere corporis longitudine, articulo basali capitis latitudine intraoculari fere dimidio brevior, 2 illo ter fere longiore, nonnihil graciliore. Thorax postice quam antice vix duplo latior, latitudini antice subæquilongus, lateribus subrectis, angulis apicalibus subrotundatis. Membrana fuscescens, ad appendicem macula albida. Femora postica latiuscula, compressa.

Herdonius STÅL. Nov. gen.

Corpus elongatum. Caput magnum, thorace longius, ovatum, basi pone oculos subito angustatum, subtus late canaliculatum, canaliculæ marginibus elevatis, anterieus foliaceis. Oculi subelongati. Antennæ corpore longiores, inter et prope oculos insertæ. Thorax antrorsum valde angustatus, ante medium constrictus, apice capite multo angustior. Scutellum apice spina sat valida erecta armatum. Membrana bicellulata. Pedes subgraciles, longiusculi, femoribus posticis anterioribus parum crassioribus. Abdomen basi valde constrictum, fere petiolatum.

Sphinctothoraci affine genus, scutello spinoso, caractere in hac familia prius incognito, differt.